



COPIA DEL MANDATO, Y DE LA
Sentencia pronunciada por Monseñor Auditor de
la Reverenda Camara Apostolica, à favor del muy
Ilustre Cabildo de la Iglesia Metropolitana de Za-
ragoça, contra el Ilustrissimo Señor Arçobispo de la
misma Ciudad, en la Causa del Edicto publicado
por su Ilustrissima à 4 de Julio de 1689.



FRANCISCVS BARBERINVS PROTONOTARIVS
 Apostolicus vtriusque Signaturæ SS. DD. N. Papæ Refe-
 rendarius, ac Curiaë Casarum Cameræ Apostolicæ Ge-
 neralis Auditor, necnon Litterarum Apostolicarum Vni-
 versalis, & merus Executor, &c. VNIVERSIS, & Singu-
 lis RR. DD. Abbatibus, Prioribus, Præpositis, Decanis, Diaconis, Ar-
 chi diaconis, ceterisque Præbyteris, Clericis, Notarijs, & Tabellionibus
 publicis quibuscumque, illique, vel illis, ad quos spectat, & spectabit,
 ac præsentis Litteræ nostræ pervenerint, Salutem in Domino sempiter-
 nam, &c. NOVERITIS, quod lite, & causa coram Nobis, sive R. P. D.
 Locumtenente nostro infra scripto inter Reverendissimos Decanum, Ca-
 nonicos, & Capitulum Ecclesiæ Metropolitanæ Casaraugustanæ Actores
 ex vna, & Illustrissimum, & Reverendissimum Archiepiscopum eius-
 dem Ecclesiæ Reum, conventum partibus ex altera vertentibus: proba-
 tis probandis, ac servatis servandis, tandem dictus D. Locumtenens cita-
 to prius, ac monito in partibus prædicto Illustrissimo, & Reverendissimo
 Archiepiscopo, & hic in Curia D. Francisco Iacobellio, dicti Reve-
 rendissimi Archiepiscopi Procuratore per Curiores Sanctissimi Domi-
 ni Nostri Papæ, vt moris est: visis videndis, & consideratis conside-
 randis, suam in scriptis definitivam Sententiam contra dictum Reve-
 rendissimum Archiepiscopum tulit, huiusmodi sub thonore, videlicet:
CHRISTI NOMINE INVOCATO. Pro Tribunali sedentes, & so-
 lum Deum præ oculis habentes per hanc nostram definitivam Senten-
 tiam, quam de Iurisperitorum consilio in his scriptis ferimus in causa,
 & causis, quæ coram Nobis in prima, seu alia veriori versæ fuerunt, seu
 vertuntur instantijs inter Reverendissimum Decanum, Canonicos, &
 Capitulum Ecclesiæ Metropolitanæ Casaraugustanæ Actores ex vna, &
 Illustrissimū, & Reverendiss. Archiepiscopum eiusdem Ecclesiæ Reum
 conventū ex altera, de, & super executione, & observacione Constitutionis
 Apostolicæ Clementis Papæ Septimi, sub datum Romæ apud Sanctum
 Petrum, Anno Incarnationis Dominicæ millesimo quingentesimo trigesi-
 mo tertio, quarto Kalendas Ianuarij, quæ habetur in Bullario Cherubini,
 tom. 1. la 39 in ordine, rebusque alijs, in actis latius deductis; Dicimus,
 declaramus, & definitive sententiāmus præfatā Constitutionē Clementis
 Septimi, vt supra contentū fore, & esse exequendam, & inviolabiliter ob-
 servandam per dictum Reverendissimum Archiepiscopum, atque eius



Officiales, prout Nos per hanc nostram Sententiam illam observari volumus, & mandamus; & pro vero, & reali effectu illius executionis, & observationis Edictum ab eodem Reverendissimo Archiepiscopo, eiusque Officialibus publicarum sub die 4. Iulij 1689. seu, &c. quo prohibetur Rectoribus, Curatis, Beneficiatis, Capitulis sui Archiepiscopatus, ac quibuscumque Notarijs, alijsve personis, ne sub excommunicatione maiori, alijsque penis Gratas Apostolicas Beneficiales, & alterius cuiuscumque generis, etiam si essent in forma gratiosa executioni demandent, nisi prius visa, & examinata fuerint per eius Vicarium Generalem, necnon Constitutiones Synodales, alteram nempe editam de anno 1515. seu, &c. ab Alphonso de Aragonia, alteram vero de anno 1656. seu, &c. à Ioanne Gebriano tunc Archiepiscopo Cæsaraugustæ in eodem Edicto connotatas, seu renovatas, annullandum, irritandum, & lacerandum, seu annullandas, irritandas, & lacerandas fore, & esse, & à Libris Constitutionum Synodaliū, & alibi, vbi tam Edictum prædictum, quàm Constitutiones Synodales antedictæ fuerint descriptum, ac annotatum, seu fuerint descriptæ, atque annotatæ, delendum, cassandum, & abolendum, & seu delendas, cassandas, & abolendas fore, & esse, prout idem Edictum, & præfatas Constitutiones Synodales annullamus, irritamus, cassamus, & aboleri mandamus, molestaciones, iniquitates, & vexaciones præfatis Decano, Canonicis, & Capitulo occasione huiusmodi Edicti, & Constitutionum Synodaliū illatas, & inferri comminatas, illicitas, & indebitas, præsumptas, & temerarias fuisse, & esse declaramus, ab illisque in posterum abstineri mandamus, firmis tamen, atque in futurum omnino inextinguibilibus, & singulis dispositis, & contentis in Sacro Concilio Tridentino, prout de iure, perpetuumque silentium super præmissis imponendum esse præfato Reverendissimo Archiepiscopo, eiusve Officialibus, prout imponimus, & pro præmissis in executione dictarum Litterarum Mandatum de exequendo, delendo, & abolendo, & aliud quodcumque desuper necessarium, & opportunum decernimus, & relaxamus, non solum præmissis, sed omnibus, &c. Volumus etiam, & mandamus, vt infra quindecim dies à die intimacionis huius nostræ Sententiæ, seu illius Instrumenti computandos, quem terminum assignamus pro tribus Canonicis monitionibus, nempe quinq; dies pro singulo termino, debeant dictus Reverendissimus Archiepiscopus, & eius Officialis paruisse, & parere eidem Sententiæ, & pro effectu partitionis per se ipsos, seu ipsorum Ministros aboleuisse, & cancellasse, seu aboleri, & cancellare supradictum Edictum, prædictasque Constitutiones Synodales, atque à Libris Constitutionum, seu ab alijs quibuscumque, & ab omnibus Locis, vbi existunt, cassasse, & abrasisse, seu cassare, & abradere, ita, vt de abolitione, cancellatione, cassatione, & abrasione extet publicus Actus, sub penis in prædicta Bulla sanctæ mem. Clementis VII. ac in nostro Monitorio contentis, ipso facto incurrendis, ad quarum executionem, & declarationem, elapso dicto termino, & nõ sequuta partitione prædicta deveniemus. Victumque Victoribus in expensis condemnamus, quarum taxationem Nobis, vel cui de iure in posterum reservamus. Et ita dicimus, pronunciamus, decernimus, declaramus, & sententiamus, non solum vt supra, sed omni, &c. **ITA PRONUNCIAMUS**

50

**VI EGO DOMINICVS TAVRVSIVS LOCVMTENENS, ET
IVDEX COMMISSARIVS. QVO CIRCA NOS** pro executione
præinsertæ Sententiæ, ex parte dicti Reverendissimi Capituli instanter,
& debitè requisiti, vobis omnibus, & singulis supradictis, & vestrum cui-
libet in solidum tenore præsentium committimus, & in virtute Sanctæ
Obedientiæ strictè præcipiendo mandamus, quatenus statim visis, seu
receptis præsentibus, & postquam præsentium vigore fueritis requisiti,
seu aliquis vestrum fuerit requisitus, ex parte nostra, imo verius Aposto-
lica autoritate præinsertam Sententiam, omniaque, & singula in ea cõ-
tenta, & expressa prædicto Reverendissimo Archiepiscopo, eiusque Offi-
cialibus, & Ministris, ceterisque ad quos spectat, & spectabit, & in exe-
cutione præsentium nominandis, & cognominandis, **INTIMETIS**, in-
sinuetis, notificetis, ac ad eorum, & cuiuslibet ipsorum noticiam dedu-
caris, & deduci faciatis, vt nos intimamus, insinuamus, notificamus, &c.
per præsentem, ne ignorantiam aliquam de præmissis prætere, seu ale-
gare valeant, ac ad omnem meliorem finem, & effectũ. Tibi vero Illus-
trissimo, & Reverendissimo Archiepiscopo, tuisque Officialibus, & Mi-
nistris cõmittimus & sub sententijs, censuris, & pœnis in præinserta Sen-
tentiã contentis, & expressis expressè præcipimus, & mandamus, quate-
nus infra quindecim dies à die intimationis, & præsentationis præsen-
tium Litterarum, & Mandati tibi, tuisque p. & dictis Ministris vt supra fa-
ciendę computandos, quorum quinque pro primo, quinque pro secundo,
& reliquos quinque dies, pro tertio, ultimo, & peremptorio termino, ac
trina monitione Canonica assignamus, & assignamus, debeas, & debeãt,
ac eorum quilibet debeat Edictum per te, tuosque Officiales sub die
quarta Iulij 1689. seu &c. vt supra publicatum, necnon præfatas Con-
stitutiones Synodales, alteram nempe editam de Anno 1515. & alteram
de Anno 1656. seu &c. & in prædicto Edicto enunciatas, seu renovatas,
ac per dictum D. Locumtenentem vt supra annullatum, & annullatas,
irritatum, & irritatas à Libris Cõstitutionum, seu ab alijs quibuscumque,
& ab omnibus Locis vbi existunt, cassasse, aboleuisse, cancellasse, & abra-
sisse, ita vt de cancellatione, & abrasione huiusmodi fiat, & existat publi-
cus actus, sive cassari, & abradi fecisse, & mandasse, ac præinsertæ Sen-
tentiæ, præsentibusque nostris Litteris, & Mandatis omnino paruisse, &
de partitione in actis infrascripti Notarij legitime docuisse. **ALIOQVIN**
NOS sive idem D. Locumtenens noster infrascriptus ad supradictarum
pœnarum incursum declarationem, & executionem omnino devenimus,
sive deveniet, quibuscumque non obstantibus, &c. In quorum, &c. Da-
rum Romæ ex Ædibus nostris, hac die vigesima secunda Maij, 1690.
Dominicus Taurusius Locumtenent. Loco s. gilli, Joseph Maria Belletus,
Causarum Curie Camera Apostolicæ Notarius. Intimatio cum Mandato
de delendo vigore Sententiæ.